

लाहना

द्विदसाथिक पत्रकारिता, शैया आवश्कता

साःगु भिंगु मरिचरिया निति लुमका दिसें !

लक्ष्मण जमाल 'चिलिमि' प्रोप्राइटर

लाखा छै
LAKHA CHHEN

सोहखुटे, वडा नं. १६, येँ, फोन नं.: ४५६०७५८

थुकि दुने



भ्रष्टाचार विरुद्ध जनताया भूमिका
• डीआर खड्गे - २



भोटो जात्रा छाया याइ ?
• प्रेममान डंगोल - ३



तःन्ह्यलं चितासू मस्यु
• पन्ना रत्न महर्जन - ६



सिथिद्यः न्ह्यः
• ब्लोडप ४ - ६

कोभिडं न्ह्याःगु निःशुल्क एम्बुलेन्स सेवा आः वयाः जक सामाजिक संजालय चर्चा

हाकनं छक्वः येँ महानगरपालिकाया मेयर बालेन्द्र शाह चर्चाय वयाच्चंगु दु । खयतला येँ मपा प्रमुख बालेन्द्र शाह चर्चाय मदुगु हे गबले दु धकाः । वयकः न्ह्याबले चर्चाय दु लिसै विवादय नं । थुगुसी नं स्वनिगलं पिनेया छम्ह मनूया फेसबुक स्टेटसया कारणं मेयर बालेन्द्र शाह चर्चासि विवादय वःगु दु ।

छवे बालेन्द्र शाहया समर्थकत वयकःया बांलाःगु ज्या धकाः प्रशंसा यायां लयतायाच्चंगु दुसा मेखे हल्ला जक यानाः ज्या मयाःसे न्हापायाम्ह मेयर याःगु दक्वं ज्याया जस कायूत जक स्वयाच्चन धकाः आलोचना नं उतिकं हे जुयाच्चंगु दु ।

थुगुसी बालेन्द्र शाह चर्चाय वयाच्चंगु विषय धइगु येँ महानगरपालिका उपलब्ध याकातःगु १०२ नम्बरया एम्बुलेन्स सेवा खः । जुल छु धायबलय कञ्चनपुरं छम्ह नुगःया विरामीयात वासः याकेत येँ हल । येँ थ्यंकाः १०२ यात फोन यानाकथं एम्बुलेन्स थ्यंकाः वल व इलय हे अस्पताल थ्यंकाः उपचार न्ह्याकेत अःपुल । थुलि जुइधुंकाः येँ महानगरपालिकाया एम्बुलेन्स सेवा खनाः लयताःमह सेवाग्राही बालेन्द्रयात सुभाय ब्युसै स्टेटस अपडेट यात । थनं हे हाकनं छक्वः बालेन्द्रया प्रशंसक व आलोचकतय दथुइ कमेन्ट वार सुरु जुल व प्रशंसा लिसै आलोचनाया नं वर्षा हे जुल ।



तत्कालीन मेयर विद्यासुन्दर शाक्य निःशुल्क एम्बुलेन्स सेवाया सुभारम्भ यासै ।

येँ मपाया १०२ एम्बुलेन्स सेवा आःजक न्ह्याःगु वा बालेन्द्र शाह निर्वाचित जुइधुंकाः जक निःशुल्क जूगु मखु । थ्व सेवा येँ मपाया निवर्तमान मेयर विद्यासुन्दर शाक्यया पालय हे सुरु जुइधुंकाः खः । विश्व महामारीया रुप काःगु कोभिड १९ संक्रमण महामारी नेपालय नं दुहांवयाः लकडाउन जूगु इलय हे तत्कालीन येँ मपा मेयर विद्यासुन्दर शाक्यया

सक्रियताय थ्व सेवा न्ह्याकूगु खः । उगु इलय एम्बुलेन्स धयाकथं मदइगु, अस्पताल वनेत थाकुइगु कथंया अवस्था जूबलय तत्कालीन मेयर विद्यासुन्दर शाक्यया पहलय महानगर हटलाईन सेवा न्ह्याकूगु खः । कोभिड विरामीयात अस्पताल यंकेत एम्बुलेन्स माःसा १०२ व नन कोभिड विरामीयात माःसा ११८० नम्बरया हटलाईन सेवा येँ मपा न्ह्याकूगु खः ।

थ्व एम्बुलेन्स सेवा आः तिति न्ह्याःगु मखु, कोभिडया इलय येँ महानगरपालिकाबासी जक मखु, स्वनिगः लिसै सम्भव दुथाय तक्क वासः याकेत अस्पताल वने मफुगु अवस्था खनेदयेधुंकाः जिगु हे नेतृत्वय निःशुल्क एम्बुलेन्स सेवाया निति १०२ नम्बरया हटलाईन सेवा न्ह्याकागु खः । न्हापा धेबा कयावःगु एम्बुलेन्स सेवायात उगु इलय येँ मपा भुक्तानी बीगु यानाः जनताया निति निःशुक्ल दयकागु खः येँ मपाया निवर्तमान मेयर शाक्य धयादिल ।

कोभिड अथवा नन कोभिड विरामीयात अस्पताल छै व छैय नं अस्पताल वनेत निःशुल्क सेवा बीगु सर्तय नेपाल एम्बुलेन्स सेवायात दैय १ करोड ४४ लाख बीगु कथं न्यादँया लागि सम्भौता यानाः तत्कालीन मेयर विद्यासुन्दर शाक्य एम्बुलेन्स सेवा न्ह्याकादीगु खः । निःशुल्क एम्बुलेन्स वापत येँ महानगरपालिका नेपाल एम्बुलेन्स सेवायात दैय १ करोड ४४ ल्यं ७ पेजय

सभामुख पाठकपाखें कुमारी दर्शन



बागमती प्रदेशया सभामुख भुवन पाठक येँया विश्व सम्पदा परिसरया संरक्षण व प्रवर्द्धनयात प्राथमिकताय तयगु धयादीगु दु । वंगु शनिवाः कुमारीया दर्शन यायूत बसन्तपुरस्थित कुमारी छै थ्यंकादीमह सभामुख पाठक थथे धयादीगु खः । विश्व सम्पदाय दुथ्याःगु नेपाःया थीथी सम्पदातमध्ये अप्वः धइथे बागमती प्रदेशय लाः । थुकिया संरक्षण, प्रवर्द्धनयात प्राथमिकताय तयाः बागमती प्रदेश न्ह्याःवनी पाठकया धापू खः । बागमती प्रदेश सांसद शैलेन्द्रमान बज्राचार्यया वनाय सभामुख पाठक कुमारी दर्शन यायूत बसन्तपुर थ्यंकादीगु खः । स्थानीय संस्कृति, सम्पदाया संरक्षण, प्रवर्द्धना लागि योजना, नीतिया विषयस थौं सहलह जूगु दु । माननिय सभामुखजुया वसन्तपुर ल्यं ७ पेजय



Trendiest Fashion At Price You Love

ufo the clothing store

तान्वःया पास
कल्पी/आइसक्रिम
भापिया दिसें ।
Himalayan Ice
घौ दुरु ह्यः, बटर व
क्रिम बजारय उपलब्ध दु
सुविनायक नगरपालिका, वडा नं. १, सिकुटार घन्सार, स्वप
१०४९६४०३२५, १०००६००७२५



नेवा: राष्ट्रिय म्ये

चमि : दुर्गालाल श्रेष्ठ लय चिनामि : तिर्थ माली

धुन दने धुन सँन्ट्यलं भी फुककं हे छम्ह जुइ धुन भीगु लागाय् भी स्वयं हे जः जुया धुन लुइ धुन ह्यांगु भुमिइ अष्टमण्डल ह्यांगु चाः दुने थी नगु भीगु नेवाः ध्वाँय् थ्व हे खः ज्यान भी सकस्यां छगू जातितय् स्वायत्त राज्य लुइ कर्प च्वय् भिलिमिलिं राष्ट्र भःभः धाय्क न्ह्याके भीगु चःतिं भीगु हिं

सम्पादकीय



भी छाया थःथः हे जक विवाद यानाच्चवना ?

धाधां थुगुसीया बंगछःया रथयात्रा नं क्वचाइगु जुल । बंगछःया रथ जाह्वलाख्यलय् थ्यनेधुंकल आः भोटो जात्रा नं जुइ अले थुगुसीया जात्रा नं क्वचाइ । थुलिया दथुइ यक्व हे घटनाक्रम, चर्चा परिचर्चा थाय् काल । दकले न्हापां ला बंगछःया रथया हे खुब चर्चा जुल । धाय्गु खःसा थुगुसी धात्थे हे बंगछःया रथ ग्यानापुसे हे खनेदुगु खः । अप्वः यानाः नुगःयाः धुंकाः रथ भचा अप्वः धेचूगु खनेदुगु खः तर, थुगुसी ला पूच्वं जात्रा न्ह्यासानिसे हे रथ बांमलाक्क हे धेचूगु खः । रथ धेचूगु हुनिं हे न्हापांगु दिनय् गाःबहाःयाः न्याय्माःगु, न्याय् मफुत । नःत्वालय् हे रथ थात । तर न्ह्यागु जूसां रथ सालीपिनिगु प्राविधिक ज्ञान व क्षमतायात प्रशंसा याय् हे माः । थुगुसीया रथयात्रा बांलाक हे क्वचाल ।

थ्व छगू चर्चाया विषय जुल । मेगु चर्चाया नं विषय दु । छिं अनुमान यानादीधुकल । खः, याकः मिसाया खँ । किपुलिइ याकःमिसा लिसे बंगछःया प्रतिमूर्ति स्थापना जुइवं थुकिं तःधंगु विवादया रुप काल । छगू खँ, याकः मिसा छम्ह जिवीत देवीया रुप किपुलिइ दयाच्वंगुलिइ जिवीत देवीया प्रतिमूर्ति दयकेमज्यूगु खँ । थुकिं जीवित परम्पराय् ध्वय्फुगु तर्क पानेजुलिसे आपालं संस्कृतिह्यमितय्सं तल । मेगु खँ, बंगछः व याकः मिसा दछिइ छकः जक नापलाइगु मान्यता कथं पानेजुपिं यलया इतिहिसे लाकां तर्क मन्ह्याःसे किपुलिइ याकः मिसायाथाय् बंगछःया स्वां छाःवनेगु परम्परा । बंगछःयात हे किपुलिइ स्थापना याय् धुंकाः आः बंगछः व याकः मिसा दछिइ छकः जक नापलाइगु मख्यधुकल, न्हिं न्हिं नापं हे दय्धुकल । थ्व अवस्थाय् उकथं स्वां छाःवनेगुया औचित्य मन्त धकाः पानेजुपिन्सां स्वां छाःमवनेगु अडान तल ।

खतुं आः थ्व विषय ज्यनेधुकल । पानेजुपिं किपुलिइ वनाः याकः मिसायात बंगछःया स्वां छाया नं वय्धुकल । तर थुकिं सकल नेवाःतय् न्हाय् भुइल धाःसां पाइमखु । गबले बंगछःया रथयात्रा हे अलमलया स्थिती, गबले याः मन्थात, ख्वपय् यंकी धइगु विवाद । गबले छु गबले छु । बंगछःया रथयात्रा दय्दसं विवादय् लानावःगु भी नेवाःतय् नितिं मछालापुसे च्वंगु खँ खः । भी माःगु खँय् गुलि न्ववाना व थःगु हे न्हाय् ध्यनेगु खँय् गुलि न्ववाना, व छकः दुवाले लिबाय्धुकल । दय्दसं थःगु हे न्हाय् भीसं ध्यनाच्चवनागु भीसं चाःला मचाःला ?

बंगछःया नित्य पूजानिसे माःगु पर्व पूजा आदि न्ह्याकेत राज्यं गुलि तिबः बियाच्वंगु दु ? किपुलिइ याकः मिसायात राज्यपाखें छु सुविधा दु ? बियाच्वंगु सुविधा गाः कि मगाः ? परम्पराया निरन्तरताया नितिं छु गुकथंया दुरगामी योजना दु ? थज्याःगु तसकं महत्वपूर्ण विषय भीसं गबले ल्हवना ला ? संस्कृतिया हे परम्पराया लागिं भीसं गुथि विधेयक विरुद्धया प्रदर्शनय् क्यनागु शक्ति हाकनं क्यनेगु बिचाः यानाला ? मयाना, याना सा बस् भी थःथः हे विवाद याना, भी थः थः हे ल्वाना ।

भ्रष्टाचार विरुद्ध जनताया भूमिका



डि.आर. खड्गी

विश्वया यक्व हे देशय् अति भ्रष्टाचार अप्वयाः आर्थिक अवस्था ध्वस्त जुयाः देय् व जनता कंगाल जुयावंगु आपालं दसु दु । विशेष यानाः एशिया, अफ्रिका व ल्याटिन अमेरिका देय्या असक्षम, विवेकहीनया नापनापं दलाली याइपिं नेतासं देय् न्ह्याकाच्वंगुलिं देय् स्यना वनाच्वंगु खः । अविकसित देशया नेतात सिद्धान्त, नीति व दृष्टिकोण (भिजन) ज्वनाः सत्ताय् वनाच्वीपिं मखु, खालि धेबाया शक्तिं दादागिरी क्यनाः सत्ताय् वनेगु यानाच्चनी । थ्व हे हुनिं यानाः अविकसित देशया नेतात व नोकरसाह (कर्मचारीतन्त्र) भ्रष्ट व कमिशनखोर जुयाच्चनीगुलिं यानाः देश व जनता गरीब जुजुं वनाच्वनीगु खः । भ्रष्टाचार ला पुँजीवन्दी देय् अमेरिका व पश्चिमी राष्ट्रय् नं मज्जु मखु, तर अति कम जुयाच्वंगु खनेदु । छायाःसा व देशय् कानून शक्तिशाली जुयाच्वंगुलिं शक्तिशाली नेतातयुत नं कानूनया दायराय् हयाः कारवाही यानाच्चनी । अमेरिका व पश्चिमी देशय् भ्रष्टाचार म्ह्वः जुयाच्चनीगु छगू कारण थ्व नं खः । व देशय् चरम विकास जुयाच्वंगुलिं यानाः जनतायात अत्याधिक लजगाः बीत ताःलानाच्वंगुलिं चुनावया इलय् पार्टीतसे भोटया नितिं यक्व धेबा खर्च याय्माःगु नं आवश्यकता मदु । मेगु कारण खः, पश्चिमी राष्ट्रया सामाजिक संरचना संयुक्त परिवारया बनावट नं खः ।

एशियाया अप्वः देशय् संयुक्त परिवारया बनावट जुयाच्वंगुलिं नेतातसे थः परिवार व नातागोताया नितिं गुलि फु उलि भ्रष्टाचार यानाः धेबा मुंकेगु स्वयाच्चनी । अविकसित देशया जनता अप्वः गरीबीया कारणं नं पार्टीया नीति हे चुनावया इलय् धेबा खर्च यानाः भोट काय्गु जुयाच्चनी । थ्व हे कारणं यानाः नेतातसे थःत जक मखु, पार्टीयात नं अथाह धेबा माःगुलिं देश घातक ज्या यानाः सां धेबा मुंकेगु यानाच्चनी ।

भीगु जःलाखला देय् चीनय् स्वयां नं भारतय् अप्वः भ्रष्टाचार जुयाच्वंगु खनेदु । चीनय् नं भ्रष्टाचार मज्जु मखु, तर कानून तसकं कडा अर्थात १०गू लख स्वयां अप्वः भ्रष्टाचार जुल धाःसा भ्रष्टाचारीयात मृत्युदण्ड तर्क बीगु कानून दु । थ्व हे कारणं चीनय् भ्रष्टाचार याय् तसकं म्याः । भारतय् अथे मखु, कानून हे कमजोर जुयाच्वंगुलिं भ्रष्टाचारीतय्गु हौसला अप्वयावंगु खनेदु । अथे धयागु करोडौं करोडया भ्रष्टाचार याःसां

भ्रष्टाचारीत बचय् जुइगु नितिं ददैंतक मुदां भ्रष्टाचारीत धुकक जुयाच्चनी । भारतय् चरम रुप भ्रष्टाचार जुयाच्वंगु आः जक मखु, अंग्रेजी साम्राज्यं देश त्वःताः वंसांनिसे जुयाच्वंगु खः । नेहरुया इलय् मिडियाया भूमिका सशक्त मज्जुलिं भ्रष्टाचारया उलि चर्चा मज्जु । ईन्दिरा गान्धी प्रधानमन्त्री जुयाच्वंगु इलय् नं चरमरुपं भ्रष्टाचार जुयाच्वंगुलिं भारतया समाजसेवी जयप्रकाश नारायणं सन् १९७४ सालय् काँग्रेस सरकारया विरुद्ध आन्दोलन न्ह्याकूगु खः । जयप्रकाश नारायणया नं मुख्य माग खः, जनलोकपाल विधेयक हयाः भ्रष्टाचार विरुद्ध कडा पलाः ल्हवनेमाल । पश्चिमीया

हे हुनिं गुलि नं भ्रष्टाचारया मुदायात कडा रुपं मवंसे भन् षडयन्त्र यानाः जनतायात भंगः जक लानाच्वंगुलिं भन्भन् ततःधंगु भ्रष्टाचार काण्ड जुया वनाच्वंगु खः । भारतय् नं ततःधंगु काण्डै काण्ड जुया वनाच्वन । दसुया नितिं खेलभवन निर्माण काण्ड, टेलिकम भ्रष्टाचार काण्ड, हतियार काण्ड अफ धमाधम काण्ड अप्वया वनाच्वंगु इलय् हाकनं लिपा अन्ना हजारे न्हापाया लोकपाल विधेयकयात सक्रिय याय्गु नितिं दिल्लीया जन्तरमन्तर पार्कय् अनसन च्वन । अन हजारेयात तिबः बीगु नितिं भारतया फुकक थासं दिल्ली वय्गु ज्या जुल । अन्ना हजारेया समर्थनय् जनसागर



थ्व हे हुनिं गुलि नं भ्रष्टाचारया मुदायात कडा रुपं मवंसे भन् षडयन्त्र यानाः जनतायात भंगः जक लानाच्वंगुलिं भन्भन् ततःधंगु भ्रष्टाचार काण्ड जुया वनाच्वंगु खः । भारतय् नं ततःधंगु काण्डै काण्ड जुया वनाच्वन । दसुया नितिं खेलभवन निर्माण काण्ड, टेलिकम भ्रष्टाचार काण्ड, हतियार काण्ड अफ धमाधम काण्ड अप्वया वनाच्वंगु इलय् हाकनं लिपा अन्ना हजारे न्हापाया लोकपाल विधेयकयात सक्रिय याय्गु नितिं दिल्लीया जन्तरमन्तर पार्कय् अनसन च्वन ।

अप्वः देशय् जनलोकपाल विधेयक पास यानाः भ्रष्टाचार निर्मूल याय् ततःलाःगु खः । भारतय् नं अथे याय्माः धकाः जयप्रकाश नारायणं सरकारयात दबाव ब्यूगु खः । आन्दोलन थुलि प्रभावकारी जुल कि काँग्रेस सरकारय् भुखाय् ब्वय्काबिल । सरकार बाध्य जुयाः जनलोकपाल विधेयक हल । छुं न्हि लिपा ईन्दिरा गान्धी हाकनं संकटकाल घोषणा यानाः आन्दोलनकारीतयुत क्वत्यला छ्वत । संकट लिपा जूगु आम चुनावय् काँग्रेस पार्टी पराजित जुल । चालिस पचास न्ह्यःया भारतया राजनीतिक घटनाक्रमं छु क्यन धाःसा न्ह्याथे जाःगु आन्दोलन नं यदि जनता सक्रिय जुल धाःसा ताःलाय्फु । छगू चरण जक आन्दोलन ताःलाना मगाः । अथे धयागु आदोलन पूर्वक ताःमलाःतल्ले जनता सक्रिय जुयाच्चनेफुसा जक आन्दोलनया लक्ष पूर्वनी । अथे मजुल धाःसा हाकनं सत्ताधारीतसे धोका बी । जयप्रकाश नारायणया नेतृत्वं पास जूगु लोकपाल विधेयक लिपा वनाः सक्रिय जुइमफुत । लिपा हाकनं भ्रष्टाचार भन्भन् तच्चया वंगुलिं जनता निराश जुल । लोकपाल विधेयक ताःमलाःगु कारणं नं सरकारं नियुक्ति यानातःपिं दुजःत स्वच्छ छबियापिं मखु अर्थात न्हापा नोकरशाहत जूगुलिं यानाः खः ।

पुलापिं भ्रष्ट नोकरशाहीतसे अवश्य नं लोकपाल विधेयकयात असफल याइगु स्वभाविक खः । थ्व

कुहां वयाच्वंगु खनाः सरकार जक मखु, विपक्षी पार्टी तर्क थारान्हुल । व इलय् विपक्षी पार्टीया नेतात नं अन्ना हजारेयात समर्थनया नितिं जन्तरमन्तर पार्कय् वंगु नं खः । तर जनतां सुं नं पार्टीया नेतातय्गु विश्वास मदु धकाः अनसन च्वनाच्वंगु पार्कय् दुमकाः । अन्तय् सरकार क्वछुनाः न्हापा स्वयां नं कडा कानून हयाः नागरिक समाजया ब्यक्तित्वतयुत नं ५०गू प्रतिशत दुजःपिं नियुक्ति याःगु नं खः । तर अफ नं लोकपाल विधेयकयात पूर्वक ताःलाकेफुगु मद्दिन ।

हाकनं सरकारपाखें हे षडयन्त्र यानाः विधेयकयात फासाफुस यानाच्वंगु दु । अफ नं भारतय् ततःधंगु काण्ड जुइगु म्ह्वः मज्जुनि । अःखः सरकारं जनतायात भंगः लाय्गु त्वःतूगु मद्दिन ।

पूर्वक प्रजातन्त्र दुगु देश भारतय् ला भ्रष्टाचार म्ह्वः मज्जु धाःसा भीगु देश नामधारी प्रजातन्त्रया नामं जाति व धर्मया नामं राजनीतिया खेल मिहताच्वीपिं नेतातसे भ्रष्टाचारीतयुत हतोत्साही याय्गु स्वइ धकाः कल्पना नं याय्माः । बरु इमिसं भ्रष्टाचार अप्वय्केगु नितिं कानून दय्कातःगु दु । अर्थात करोडौं करोड भ्रष्टाचार याःसां निगू प्यंगू लख जरिवाना याइगु अदालत दु । थ्वया अर्थ छु धाःसा भ्रष्टाचारीतयुत हःपाः बीगु ल्याखं हे कानून दय्केगु ज्या यानाच्वीपिं नेतात खः ।





चक्रना

दि.सं. २०८० जेठ ९

सिथिघः, न्हूयः

किपा : सामाजिक संजाल



पन्नारत्न महर्जन

तःन्ह्यलं चितासू मस्यु



ई बिका: तकनं ताउत देनीपिन्त यक्व देनीपिं बाय् तःन्हय: धाइ । तःन्हय: तसें याय्मा:गु ज्या इलय् याय् फइमखु । ज्या याय्गु छु ई न्हयलं काय् धुंकी । थज्या:बलय् ज्या याय्गु तालिकाया रूयाल याय् मफुत धाय्वा ज्या ल्वाक: बुक: जुइ । छगु ज्या यायां मेगु ज्या लुमनावइ । यानागु ज्या पुमवंकं मेगु ज्या याय् हथाय् जुइ । नसा नया च्वं च्वं हे ज्या लुमना: मज हथाय् चाइ ।

भीगु जिवय् नय् त्वने च्वने जक दयां मगा: । नय् त्वनेया लिसें न्हय: नं दय्मा: । न्हय: मन्तकि न्हयाक्व हे नय् त्वने द:सां नयाख्वा: वइमखु । न्हय: मव:पिनि नयागु नसानापं पचय मजुया: अपच जुइ य: ।

यक्व व ताउत देने मा:पिन्त तःन्हय: धाइ । भचा जक देनेव गा:पिन्त न्हय: सालु धाय्गु या: । खितिकक जुलकि न्हयलं चा:पिन्त खिचा न्हय: धाइसा न्हयाक्व थंसां न्हयलं मचाइपिन्त कुम्भकर्ण तक धाइ । खिचा न्हय:तय् बांलाक देने खनी मखु । उके थज्या:पिं छुं हा:स: मदुथाय् देनेगु स्वइ ।

उसाय् बांलाका तय् न्हय:या यक्व महत्व दु । न्हय: मगापिनि उसाय् उलि बांलाइ मखु, गुलि गा:पिनि बांलाइ । न्हय: मगात धाय्वा न्हिछि हे म्हाइयातु थें जुयाच्वने य: । याना यानागु न्या सुथां मला:थें जुया: च्वना च्वनाथाय् च्वने म्हाइ य: । मिखा सिकु सिकु जूथें जुया: ख्वा: नापं स्वय् हे गरखेसे च्वने य: । यक्व न्हय: मगात धाय्वा न्यासि वना च्वं च्वं हे इकुसे नापं च्वनावय् य: ।

न्हय: मगाइ वलय् म्हुतु नं साइमखु । न्हयागु नसा न:सां सवा: हे मदुगुला धया थें जुइ । नसा बांलाक घुतु वनीमखु । प्वाथय् नय् पित्या:सां नसा घुतु मवना: म्हा नापं ना:तागत जुइ य: । थज्या:गु अबस्थाय् वातावरणय् छुं भचाजक हिउपा: व:सां जिवय्

असर लाना: म्हा नापं मफय् य: ।

थज्या:गु महत्वं जा:गु न्हय: नं यक्व न्हय: वय्कीपिन्त तःन्हयलं चितासू सीमखु बाय् तःन्हयलं चितासू मस्यु धाय्गु या: । भीगु समाजय् यक्व चलन चल्ती वइगु थ्व खँव:सुयातं गिल्ला याय्वात बाय् हेबाय् चबाय् याय्गु कथं धयात:गु मखु । थ्वया मतलव बांलाक देने मज्यु धका: धयात:गु नं मखु । देनेगुया नामय् छुकिर्यां वास्ता मयासे दे जक देनेगु बानि याय् मज्यु, देनेगु ई बिका: तक देने मज्यु धयात:गु ख: ।

बांलाक न्हय: वय्केगु व यक्व न्हय: वय्केगु धयागु छगु हे मखु । देनेगु

इलय् न्हय: व:पिन्त बांलाक न्हय: व: धाइ । ई बिका: तकनं ताउत देनीपिन्त यक्व देनीपिं बाय् तःन्हय: धाइ । तःन्हय: तसें याय्मा:गु ज्या इलय् याय् फइमखु । ज्या याय्गु छुं ई न्हयलं काय् धुंकी । थज्या:बलय् ज्या याय्गु तालिकाया ख्याल याय् मफुत धाय्वा ज्या ल्वाक: बुक: जुइ । छगु ज्या यायां मेगु ज्या लुमनावइ । यानागु ज्या पुमवंकं मेगु ज्या याय् हथाय् जुइ । नसा नया च्वं च्वं हे ज्या लुमना: मन हथाय् चाइ । नसा नयागु हे भचा सुख दय्क नय् खनीमखु । मन भचा हे याउंके तय्खनी मखु ।

चितासू मसीगु धयागु छगु

दुख ख: । नय् त्वने मखना: जुइगु दुख धा:सा थ्व मखु । सुनानं बिया: जुइगु दुख नं थ्व मखु । हलसितसें थज्या:गु दुख ताइमखु । स्वाभिमानी व लगनशीलतसें ताइगु दुख ख: । थ्व दुख धयागु छगु ज्या यानाच्वं च्वं मेगु ज्या लुमना: मन थातं तय् मफइगु अबस्था ख: । नसा नया च्वं च्वं हे ज्या लुमना: मन हथाय् चाइगु भाव ख: । छुं नं ज्याखय् मन शान्त याना: याय् मदइगु धयागु नं छगु कथंया दुख हे ख: । थज्या:गु अबस्थाय्वात हे चितासू मस्यु धाइगु ख: । अथे जुया: तःन्हयलं चितासू मस्यु धाइगु ख: ।



स्व. गणेशमान झौला
बुद्धि : २००८ भाद्र ८ गते
मदुगु : २०८० जेठ २ गते

बिचा: हायेका

लगत द्य:पाला गुथिया नाय: भाजु गणेशमान झौला ७२ दँय्
आकाभाकां मदुगु थौं न्हयन्हया पुण्यतिथिइ
वय्क:या आत्माया चीर शान्तिया कामना यानाच्वना ।
लिसें थुगु दु:खया इलय् दु:खंक:पिं सकल छँज:पिंसं
अनित्य संसारयात लुमंका: नुग: ची फयेमा धका:
विचा: हायेकाच्वना ।

लगत द्य:पाला गुथिया सकल ज:
पूरानो ढल्को, यें मनपा १७ वडा ।

Binod Maharjan
9841369552, 9808644666

बि.आर्ट्स

B. Arts

Nayabazar, Kirtipur
4335491, b.arts4335491@hotmail.com

★ Banner, Flex Board
★ Glow Sign Board
★ Sticker Cutting / Printing
★ Screen/ Rubber Print
★ Self-ink/ Rubber Stamp
★ PVC(ID) Visiting Card
★ all kinds of press works

100% Vegetarian

Sweet Cave

Sweets - Namkeen - Fast Food

Sweet Cave
(जीवन दाईया पसः)
Kalimati, Kathmandu, Nepal
Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।
आउटडोर भेज क्याटोरिङ पनि गरिन्छ ।

पारदर्शिताया नापं सकारात्मक बुद्धि बिडमा: : एसपी सिंह



उत्तर प्रदेशया उपमुख्यमन्त्री ब्रजेश पाठक पत्रकारिता लोकतन्त्रया प्यंगु थां खः धका धयादीसे "सत्ता व पत्रकारिता मिले जुया लोकतन्त्र बलाकके माः, अले जक देश व राज्यया उन्नति सम्भव दु," धका धयादीगु खः। प्रेस क्लब अफ आगरा व उत्तर प्रदेश पत्रकार संघया ग्वसालयु सार्क जर्नलिस्ट्स फोरम ग्वसाः ग्वगु ज्याइवः इन्डो-नेपाल-बंगलादेश मिडिया कन्क्लेभ-२०२३ यु उपमुख्यमन्त्री भिडियो सन्देशपाखे अथे धयादीगु खः। होटल क्लार्क शिराजयु भारत, नेपाल व बंगलादेशया प्यसःमह स्वया अप्पो पत्रकारपिनिगु ब्वति दुगु जुगु उगु ज्याइवलयु "समसामयिक परिदृश्ययु मिडियाया चुनौती व समाधान" बिषय गोष्ठी जुगु खः। ज्याइवःया मूपाहाँ केन्द्रीय कानून नाप

न्याय राज्यमन्त्री प्रा.एसपी सिंह बघेलं प्रतिस्पर्धा व टीआरपीया कारण गुलि न बुद्धि बच्छि अपूर्ण व तथ्यविहीन प्रसारण व प्रकाशन जुयाच्चंगुलि अज्यागु बुद्धिपाखे गलत असर जुयाच्चंगु धका धयादीगु खः। समाजयु गुकथं गलत पत्रकारिताया लागि म्हासुगु पत्रकारिता शब्द प्रयोग याइ, उकथं हे प्रशासनिक कर्मचारीया भ्रष्टाचारयात ह्यागु शब्द च्वयेगु यानाच्चंगु दु धका धयादीगु खः। उत्तर प्रदेश राज्यया शिक्षा मन्त्री योगेन्द्र उपाध्याय सरकार व पत्रकार समाजया लागि बिचाः यासा जक समस्याया समाधान जुइ धका धयादीगु खः। "पत्रकारपिन्स जनतायात सचेत यायेमाः। संकटकालयु पत्रकारितापिनिगु चेतनाया प्रभाव जिमिसं खनागु दु। अभिव्यक्ति स्वतन्त्रतायु प्रतिबन्ध लग यागु इलयु पत्रपत्रिका न सः थ्वयकलय

व विरोध याता वहे कारणं तत्कालीन सरकार क्वधला पत्रकारपिन्स बालागु मतिइ ज्या यातकि जक समाज, राज्य व देशयु ह्युपाः वइ," धकाः वयकलं धयादीगु खः।

सार्क पत्रकार मञ्चया अध्यक्ष राजु लामां भारत लोकतन्त्रया जननी देयु खः धका धयादीगु खः। "नेपाः व बंगलादेशयु भारतया ग्वाहालि जक लोकतन्त्र वंगु खः। विश्वयु यकको देशयु न भारतीय पत्रकारितापाखे प्रभावित जु। प्रेरणा कयादीस, जिमिसं थकिइ यकको सयुकेमाःनि, दक्षिण एसियाया पत्रकारपिन्स बिचाः यायेमाः," लामां धयादीगु दु। अफगानिस्तानका पत्रकारपिन्स यकको समस्याया सामना यायेमाःगु दु। दक्षिण एसिया नाप भारतया पत्रकारपि न लोकतन्त्रया रक्षाया लागि न्ह्येने वया ल्वानाच्चंगु दु धका धयादीगु खः।

क्लबया अध्यक्ष अशोक अग्निहोत्री, वरिष्ठ पत्रकार विनोद भारद्वाज, आदर्श नन्दन गुप्ता, जसवीर सिंह जस्सी, शिव चौहान, सञ्जय सिंह, रिकी तोमर, अजेन्द्र चौहान, अरुण रावत, मनिष जैन, विजय बघेल, समीर कुर्शी, कपिल अग्रवपिन्स न थःपिनिगु खँ तयादीगु खः।

अनोजा गुरुमां मंत

चोभारया सुलक्षणकीर्ति विहारया प्रमुख नांजाःमह अनगारिका श्रद्धेय अनोजा गुरुमां मंत। ताः ई न्ह्यःनिसें प्वाःया क्यान्सर ल्वचं कयाच्चंमह वयकः मेडिसिटी अस्पतालयु वासः याकेगु इवलयु मदुगु खः। ६३ दँ दुम्ह वसपोलया इच्छा हे कथं वसपोलया सीम्ह धुलिखेल मेडिकल कलेजयात चिकित्सकीय अनुसन्धान ज्याया लागि दान याःगु दु। भ्वतयु जन्म जुयाबिज्याःमह वसपोलया गृहस्थी नां शारदा मानन्धर खः। भिन्छदँ दुबलयु हे छँ त्याग यानाः भारतया बनारसयु वसपोल प्रव्रजित जुयाबिज्याःगु खः। अनं लिहां वयाः वसपोल त्रिशुलीया सुगतपुर विहारयु च्वनाबिज्याःगु खःसा वयां लिपा किम्डोल विहारयु



संघर्षपूर्ण ढंगं च्वनाबिज्याःगु खः। वयां लिपा श्रद्धेय धम्मवती गुरुमांया संरक्षकत्वयु वसपोल धर्मकीर्ति विहारयु च्वनाबिज्यात। लिपा चोभारयु सुलक्षणकीर्ति विहार निर्माण लिपा वसपोल अन हे च्वनाबिज्याःगु खः।

कायस्थ राष्ट्रिय शहिद घोषित

म्वाःमह शहिद कथं कयातःमह मुकेश कायस्थयात सरकार राष्ट्रिय शहिद घोषणा याःगु दु। वंगु मंगलबाः च्वंगु मन्त्रपरिषदया बैठकं कायस्थयात राष्ट्रिय शहिद घोषणा यायुगु निर्णय याःगु खः। २०६२/०६३ या निगूगु जनआन्दोलनया घाःपाः जुइधकाः वयकः शारीरिक रुपं अशक्त जुयाः च्वनेमाःगु खः। वयां लिपा वयकःया जिवात शहिद धायुगु याःगु खः।



काभ्रेया कायस्थ वंगु वैशाख २८ गते मदुगु खः।

गणेशदेवी प्रतिष्ठानपाखें थीथी व्यक्तित्व सम्मानित

गणेशदेवी मानन्धर स्मृति प्रतिष्ठानया ग्वसालयु नेपालभाषा ख्यलयु योगदान यानाच्चंविं स्वम्ह व्यक्तित्वपिन्त छूगु ज्याइवःया दथुइ हंगु दु।

ज्याइवलयु जनगायक भृगुराम श्रेष्ठ, वरिष्ठ सिनेपत्रकार बिजयरत्न असंबरे व न्हू प्रतिभा कथं म्येहालामि सिद्धार्थ बज्राचार्ययात हंगु खः। ज्याइवलयु सिद्धार्थ बज्राचार्ययात हनापौलिसें न्याद्वः तकाया प्रतिभा सिरपाः, बिजयरत्न असंबरेयात हनापौलिसेंभिन्त्याद्वःतकायानेपालभाषा पत्रकारिता सिरपाः व जनगायक भृगुराम श्रेष्ठयात हनापौ लिसें नीन्याद्वः तकाया दीर्घ सम्मान लःल्हाःगु खः। ज्याइवःया इवलयु जनगायक



भृगुराम श्रेष्ठ नं म्ये न्ह्येब्वयादीगु खःसा जुजुकाजी रंजित, निशा देशार व सज्जु मानन्धर नापनापं सिरपालं सम्मानित सिद्धार्थ बज्राचार्य व आपालं कलाकारतयुसं नं सांगितिक प्रस्तुति न्ह्येब्वयादीगु खः।

अथेहे, सुरेन्द्र श्रेष्ठ, सबिना मानन्धर, सुरेश मानन्धर, राजेन्द्र डंगोल

व पुचःपाखें जनगायक भृगुराम श्रेष्ठयात विशेष सांगितिक देखाः न्ह्येब्वःगु खः। ज्याइवलयु बागमति प्रदेशया सांसद शैलेन्द्रमान बज्राचार्य, नेवाः देयु दबूया नायः पवित्र बज्राचार्य, वरिष्ठ शिक्षाविद् हितकरवीर सिंह कंसाकार लगायतया उपस्थिती दुगु खः।

जयसिद्धि गणेश सहकारीया हिदान ज्याइवः



जय सिद्धि गणेश वचत तथा ऋण सहकारी संस्था लिमिटेडया १४ क्वःगु दँमुंज्याया लसतायु निक्कःगु खुसीइ हिदान ज्याइवः याःगु दु।

बागमति प्रदेशया सांसद बसन्त मानन्धरया मूपाहाँसुइ जूगु

हिदान ज्याइवलयु ५१ म्हेसिया ब्वति दुगु खः। सहकारीया अध्यक्ष लक्ष्मण गमालया सभापतित्वयु जूगु ज्याइवलयु वयकलं हिदान यानादीपिं सकल हिदातापिन्त सुभायु देखानादीगु खः।

चिन्तामणिया थीथी ज्याइवःया दसिपौ लःल्हात

चिन्तामणि सामुदायिक अध्ययन केन्द्र थीथी इलयु न्ह्याकूगु थीथी तालिम ज्याइवःया समापन शनिवाः छूगु ज्याइवःया ग्वसाःग्वसें यँया टेकु ब्याङ्क्वेटयु क्वचायेकूगु दु।

यँ महानगरपालिकाया उपमेयर सुनिता डंगोलया मूपाहाँसुइ जूगु ज्याइवलयु वयकलं उपमेयर जुइ न्ह्यः तालिम बिद्यादीपिं केन्द्रया स्यनामिपिन्त दसिपौ लःल्हानादीगु खः। अथेहे उगु ज्याइवलयु केन्द्रया ग्वसालयु जूगु अबाकस तालिम (मेन्टल म्याथ) व धुपाँयु निलेगु प्रशिक्षणया प्रशिक्षार्थीपिन्त नं दसिपौ लःल्हायेगु ज्या याःगु खः।

पूर्वमेयरया...

लाखया दरं उगु इलनिसें हे भुक्तानी यानावःगु दु। आः वयाः सामाजिक सञ्जाल व छुसञ्चार माध्यमं बालेन शाहं हे थ्व सेवा न्ह्याकूगु कथं सुचं छ्वयाच्चंगु दु। थुकी बालेन्द्र शाहया समर्थकतयुसं तकं नं च्यूताः प्वकाच्चंगु दु। छुपुचः ला बालेन्द्र शाहया बांलाःगु ज्या धकाः प्रचार यानाच्चंगु द हे दु। थुगु खँयु बालेन्द्र शाहया हे समर्थकतयुसं तकं मेपिन्स यानाथकूगु ज्या नं बालेन्द्र याःगु धकाः प्रचार यानाः बालेन्द्र शाहयात बदनाम यायुत स्वःगु, बालेन्द्रया स्वच्छ छवि स्यंकेत स्वःगु धकाः धयाच्चंगु दु।

मनूतयुसं निःशुल्क एम्बुलेन्स सेवा कायुखनेमा धइगु सोचं जिं सेवा न्ह्याकाथकागु खः। महानगरं निःशुल्क एम्बुलेन्स सेवा बिचाच्चंगु दु धइगु सन्देश वंगु दु, व महत्वपूर्ण खँ खः। जस सुनां काल धकाः यक्व हालाच्चनेम्वाः, इतिहास थः हे साक्षी दु' विद्यासुन्दरया धापू दु।

बांलाःगु ज्या यानावन धाःसा अथे हे प्रशंसकत अप्वयावनी। इतिहासयात स्यंकाः थःगु नां दयुके

थन आवश्यक हे मदु। अप्वः प्रशंसा वा अप्वः चर्चा भन स्थिती मेकथंया जुइफु धइगु खँयु समर्थकत नं सचेत जुइमाःगु खनेदु। व हे एम्बुलेन्स सेवाया खँयु छ-हेसिगु नां वःसा वाह वाह यायुगु अले मेपिनिगु नां वःसा निर्वाचित जुयावनेधुंकाः मयाःसे गाःला धायुगु कथंया ज्या मतदातातयुसं नं यायुमज्यू। थ्व खँ निगुलिं पक्षयात लागू जू, चाहे बालेन्द्रया समर्थक खयुमा, अथवा विद्यासुन्दरया।

सभामुख...

भ्रमण धुंकाः व्यवस्थित, प्रभावकारी व नतिजामूलक ढङ्गं योजना न्ह्याःवनीगु लँपु यच्चुकु खनेदयावःगु दु' बज्राचार्य धयादिल।

सभामुख पाठकं कुमारीया दर्शन यानाः आशिर्वाद कायुगुया लिसें हनुमानधवाखादरवारक्षेत्रया ऐतिहासिक, धार्मिक सम्पदाया अवलोकन यानादीगु खः। पाठकं मरुसतः, अशोक विनायक मरु गनेद्यःया लिसें हनुमानधवाखा व हनुमान धवाखा दुनेया संग्रहालयया नं अवलोकन यानादीगु खः।

हरेक मंगलवार
राष्ट्रियताको लागि समर्पित



मेरो साप्ताहिक

मना साप्ताहिक Mero Saptahik

मालाः मालाः ब्वनादिसँ ।

३८ औं परियत्ति वक्तृत्वकला प्रतियोगिता क्वचाल



ने.सं ११४३ बछलागा अष्टमी (२०८० बैशाख ३० गते), खुन्हु ३८ औं परियत्ति वक्तृत्वकला प्रतियोगिता सम्पन्न जुगु दु।

थुगु प्रतियोगिता, परियत्ति वक्तृत्वकला संचालक समितिना नायः मोतिलाल शिल्पकारया सभापतित्वय, यलया नकबहिल, न्याखाचोकस्थित नकबहिल बौद्ध परियत्ति केन्द्रपाखें न्ह्याकूगु खः। उगु ज्याइवल्य मूपाहाँकथं यल महानगरपालिकाया उपमेयर मञ्जली शाक्य बिज्याःगु खःसा श्रद्धेय बोधिज्ञान भन्ते पाखें

पञ्चशील पाठ यासैं ज्याइवः न्ह्याकूगु खः। श्रद्धेय अनुपमा गुरुमाँया संयोजकत्वय बौद्ध केन्द्रया विद्वानपिं निर्णायक कमिति खः।

थुगु कासाय थि-थि विहार व बौद्ध परियत्ति केन्द्रपाखें ११ मह प्रतियोगीपिन्सं ब्वति काःगु खः। उकि मध्ये मूनि विहार परियत्ति केन्द्र, भक्तपुरपाखें मयजु प्रतिमा सिंह प्रथम पुरस्कार, श्री अष्टसद्धर्मायतन विहार परियत्ति केन्द्र, प्रयागपोखरी पाखें मयजु सुनिता शाक्य द्वितीय व पद्मावती परियत्ति केन्द्र पाखें मयजु

रीता शाक्य तृतीय पुरस्कार त्याकूगु जुल। अथेहे, ३९औं परियत्ति वक्तृत्वकला प्रतियोगिता न्ह्याकेत युवक बौद्ध मण्डल, नेपालयात पाः लःल्हाःगु जुल।

न्हुगु पुस्तापिंसं ब्वति काःगु थुगु प्रतियोगिताय परियत्ति वक्तृत्वकला संचालक समितिना सकल दुजःपिं, नकबहिल बौद्ध परियत्ति केन्द्रया दुजःपिं नापं विभिन्न व्यक्तित्वपिं उपस्थित जुगु खः। गुरुमाँपाखें पुण्यानुमोदन यासे थुगुसिया ३८ औं परियत्ति वक्तृत्वकला प्रतियोगिता क्वचागु जुल।

‘नेवाः सुपरस्टार’ घोषणा



ग्लोबल नेपाल नेटवर्कया ग्वसालय नेपालभाषा मनोज्जन ख्यलय बिस्कं पहःया सिरपाः नेवाः सुपरस्टार सिरपाः लःल्हायेगु दु। यँया सोल्टी ब्याक्वेटय जूगु ज्याइवल्य काजि सुरेन्द्र तुलाधरं मनोनित जूपिं भिम्ह हे कलाकारपिं दकले न्हापां जूगु नेवाः सुपरस्टार ज्याइवल्य नेवाः सुपरस्टार’ जूगु घोषणा यानादीगु खः।

सुपरस्टारया धलखय लापि मिजं कलाकारपिं आर्यम नकःमि, सुरज व्यञ्जनकार, रुपेन श्रेष्ठ थक्वाःमि, राजु महर्जन व भोगेन्द्र मानन्धरलिसें मिसा कलाकारपिं हिसिला महर्जन,

भिन्तुना जोशी, अन्नपूर्णेश्वरी श्रेष्ठ, रोजिना सुवाल व रजनी खड्गी खः। ज्याइवल्य मूपाहाँ कथं ख्यालिजुगु मदनकृष्ण श्रेष्ठ भायादीगु खःसा ज्याइवल्य ब्वति काःपिन्त ग्लोबल नेपाल नेटवर्कया नायः सुनिलकुमार शाक्य लसकुस यानादीगु खः। नेवाः सुपरस्टार जूपिन्त हनापौलिसें म्हातिं नीडः नीडः तका दां लःल्हाःगु खः। उगु ज्याइवल्य नांजाःपिं कलाकारलिसें भाषा ख्यःया थीथी व्यक्तपिं यँ महानगरपालिकाया पुलांमह मेयर विद्यासुन्दर शाक्यलिसेंया ब्वति दूगु खः।

‘संगीतनाप यात्रा’ तःजिक क्वचाल



एजेजर राजु खड्काया सांगीतिक यात्राय २५ दँ जुगु लसताय रेशाराज प्रोडक्शन प्रा. लि. या ग्वसालय ‘संगीतनाप यात्रा’ ज्याइवः तःजिक जुगु दु। यँया राष्ट्रिय नाचघरय

जुगु ज्याइवल्य सकिपा ‘उस्ताद जी’ या ट्रेलर नं सार्वजनिक याःगु खः। वरिष्ठ कलाकार नाप नेपाल चलचित्र कलाकार संघया अध्यक्ष, निर्देशक, निर्माता नाप च्वमि मोहन

निरौलाया अध्यक्षताय थीथी कला क्षेत्रय थीथी म्हापिन्त सम्मान याःगु खः। कलाकारत वरिष्ठ गायिका ज्ञानु राणा, वरिष्ठ गायक लाक्पा शेर्पा, वरिष्ठ साउण्ड डिजाइनर दीप रत्न तुलाधर, राष्ट्रवादी नायक/निर्माता नाप निर्देशक नवल खड्का, वरिष्ठ गीतकार नाप कथाकार मीन सागर लामा, वरिष्ठ संगीतकार आभाष फुयाँल, वरिष्ठ गायक, संगीत संयोजक नाप संगीतकार पवन वाड लामा, वरिष्ठ वाद्यवादक भरत बुढाथोकी, वरिष्ठ गीतकार दुर्गा लामा, गायक पञ्चमान तामाङ (शैलाब वाईवा), गायक उत्सव सुब्बा लामा व गायक मरिचमान तामाङपिन्त हंगु खः।

व्यवसायिक कृषिले बनाउँछ सुखी

- निर्वाहमुखी कृषि प्रणालीमा सुधार गरी व्यवसायिक कृषिको प्रारम्भ गरौं,
- खेतीयोग्य जमिन बाँभो नराखौं,
- लाखौं खर्च गरेर विदेशिनुको सट्टा स्वदेशमै व्यवसायिक कृषि र पशुपालन गरौं,
- व्यवसायिक कृषि उत्पादनमार्फत आर्थिक उपार्जन गरौं।



नेपाल सरकार

विज्ञापन बोर्ड

छत्रपाटी निःशुल्क चिकित्सालय | अस्पताल |

“स्तरिय शूलम स्वास्थ्य सेवा सकसियां निति, असहायया निति जक निःशुल्क”

उपलब्ध सेवा	शल्यक्रिया	बहिरंग सेवा	मेमेगु सेवा
<ul style="list-style-type: none"> २४सँ घण्टा सेवा ईमरजेन्सी प्याथोलोजी एक्स रे ई.सी.जी औषधि पसल अन्तरंग सेवा 	<ul style="list-style-type: none"> मोर्बिन् झरन सन्दी नाक कान घाँटी सर्जनि हाडजोनी तथा नासा सर्जनि दिना चिरकार फिस्स सलोको फन्स सर्जनि 	<ul style="list-style-type: none"> मृद रोग पेट रोग बुरोलीजी रन्वी रोग बाल्य रोग कथान्धर रोग दन्त रोग जोखि रोग जन्मरत मेडिसिन धम तथा यीन रोग नाक कान घाँटी रोग जन्मरत हेल्थ चेक अप थाइरोइड मधुमेह 	<ul style="list-style-type: none"> ट्रेसिङ इण्डोस्कोपी कोलोनोस्कोपी फिजियोथेरापी अन्तःसायुग्म कन्सुल्ट र इन्सु पुरोपेक्षी स्तरको दन्त इमोजेसन टिएच.ए.इ. इन्टर

२४ घण्टा

ईमरजेन्सी सेवा

७०८ गंगालाल मार्ग, छत्रपाटी, काठमाडौं, फोन: ४२९६९३८, ४२५७९९९, ४२६६२२९